

Ханты ясайд



www.khanty-yasang.ru

ПЯТНИЦА

7 марта 2014 года

№ 5 (3401)

Основана 1 ноября 1957 года

Имет емәнхätл пила!



Россия мүв народной мастер Агафья Волдина

Тäm
номерён
лўңтаты

7

Кондинской район
Леуши кэртäң
нë Алевтина
Бельтюкова
вэлупсы одäңэн

8

Шуши мир йис
путрят, моньштэт
äкäтты па киникайт
лэшттты нë Любовь
Кашлатова 60 одла йис

9

Сүмätвош район
Хулымсунт кэртäң
ими Зоя Адина
вэлупсэл одäңэн
путäртäс

10

Нуви сাংхум
район Полнават
кэртäң ханты
имет аканят
ёнтсät

12

Ёмвоши мүйтэл
рэт мир
ясцэт хätл
постäсы

8

Хутыса 2013-мит ол мэнэс

Мэнум тылдаж 26-митн общественной па внешней связяят департамент кэща хэ И.А. Верховский айкелдт ёккетты па хэншты ёх пида вэйтантыдас.

Интэм Югра мүв департаменттэд кэща ёх 2013-мит ол мэррэпэтайл олднэн пүтэртлэйт. Илья Аркадьевич щи вэрт олднэн мүнчева ясц тэс.

Округ губернатор Н.В. Комарова щиты вэрты партас, лэдн оса мир иса рэпитеты тэхет кэщаята арсыр мосты вэрт олднэн, нявшасты ат вэртсэйт.

Щэлта кэщайт дыведа юхлы яснэткитти питлэйт. Мир иньшэслэйт дүнэн нявшемт рүтэштэты вер олднэн, 2015-мит олн питты сурдолимпийской юнтугтэйт олднэн, универсальной электронной карта Ѣунд олднэн, нявшемт пэта садикэйт омэстивэр, пушхиетпэты атракционэт дэштэты па па вэрт олднэн. Кэща ёх щи олднэн ястайти питлэйт.

Надежда НОВЬЮХОВА

Нумто емэн дор нэмасыя статусн мэлдэ

Тэнлуп тылдаж 20-митн «Торум Маа» музейн Югра мүв культурной тэхэ давэлдты вэр служба ёх тэнял мэр рэпатайт олднэн ай тэсэйт.

Тэм тэхи кэща хэ Андрей Кондрашов ястас, лыв хүщела тэп 13 хуяят рэпитетэл, лыв 5 302 тэхи давэлдман тэйлдэйт, лыв күтэлн ар пелак мүв илдлийн вэйтум пурмасэт.

2013-мит ол мэр дыв рэпатаинеклэл округев луваттыйн 15 экспедиция дэштэйт, арсыр тэхетн вера катра 304 пурмас.

муй тэхи вэйтсэйт.

Тэнял округ правительства ёх поступсы стас, лэдн округев эвэлт 4 тэхи госреестр непека нухатхэнши: «Культурный слой Сургута», Нижневартовской районэн «Нёх-Урий», Сүмэйтвоши районэн «Емэндор-Балбанты» емэн дор па Сэрганл районэн Имдор

немпи емэн дор.

Тэм олн Югра па Ямал мүвнэн шуши мирэт яснэт щирн Нумто емэн дора нэмасыя статус мэты мосл, лэдн ямсыева давэлдты, щи тумпийн Кондинской районэн вэлты «Высокая гора» па Ёмвош районэн – Согом кэрта.

Интэм госкультохрана тэхи рэпатаинеклэл арсыр вера катра тэхет муй пурмасэт кэншлэйт.

Людмила СПИРЯКОВА

Муй щирн кэсупсээт мэнсэйт

Тата мосванэн Ёмвош РИЦ «Югра» нэмуп айкелдт ёккетты хот ѹитн округев физкультура па спорт тэхи кэща хэ Евгений Редькин, общественной связяят тэхи кэща хэ Илья Верховский па «ЮграMegaSport» тэхи кэща хэ Спартак Антоненков «Сочи – 2014» кэсупсээт мэнум вэр олднэн мирхот дэштэйлдсэт.

Одэн ясц ияха юхтум айкелдт ёккетты ёх елпийн общественной связяят тэхи кэща хэ И. Верховский тэс. Дүв лупац, хуты Олимпиада пурайн Сочи воша Югра мүвев эвэлт дапац хуят касты янхас, щит: нял лухэн хэхэлдти хэннэхэ, кэт биатлонэн касты хуят па сноуборд щирн юнты нэ. Щи вэр тумпийн Ёмвош округев кэща не Наталья Комарова лэнкэр ёхлад пила па Сочи вошн вэс па кэсупсээт вантас.

Округев физкультура па спорт тэхи кэща хэ Е. Редькин пүтэртас, мет вулан вэр сухнац па мүн Югра мүвев эвэлт дапац хэннэхэ Сочи вош Олимпиада касты янхас. «Маширемэн, – нёхмас лүв, – мүн айдат ёхлүв иши-паяма кассэт: Александр Легков сорни па щел вух мевэлд пос холумтэс па ёх ишити муй щирн яма хэхэлдсум, тэдн – сыры киньши яма», – лупац Алина.

Пресс-конференцияйн лупсы, Олимпиада иты, тэм Паралимпийской кэсупсэйн иши сорни мевэлд пос вүты хуята – 7 миллион, щел вух мевэлд пос пэты – вет миллион па патарух мевэлд пос – хэлум миллион шойт вух сухуптэлэй.

Алина Марковская лупац, лүвела шенк

Ёмвошн паралимпийской түт вүщитлы

Тэнлуп тылдаж 25-митн «Югра-информ» немпи айкелдт ёккетты хотн физической культуры вэрт тэты департамент кэща хэ Евгений Редькин, «Центр адаптивного спорта Югры» тэхи кэща хэ Эдуард Исаков, Югра мүв паралимпийской түт тэты вэр дэштэты хэ Спартак Антоненков па түт тэты мэшэн эви Алина Марковская пида вэйтантусы вэс.

«Сочи – 2014» тэл Паралимпийской юнтулсы ай кэр тылдаж 7-16-мит хэтдэлтэн мэндэйт. Мирхот пурайн лупсы, щит иса тэса дэштэйман вэл.

Тэндуптыдаж 26-митн Паралимпийской түттэты олднитсы, щиты Россия мүвев 45 вош хуват 1500 түт тэты хуят па 4000 волонтер дэштэты питлэйт.

С. Антоненков лупац, тэм Эстафета эмща дэштэлти, кашац тэхийн

эмэш ёмэн түт тэты. Тэм мэшэн эви Пойковской ай вошн 9-мит классэн вэнлтэйл, хэлум олжуды ёрашты вэра самаана юис. «Москва хон вошевн мэнема хэхэлдти пэты немасыя күрэма протез версы, тэнял лүнэн ма олднит разряд щирн яма хэхэлдсум, тэдн – сыры киньши яма», – лупац Алина.

Пресс-конференцияйн лупсы, Олимпиада иты, тэм Паралимпийской кэсупсэйн иши сорни мевэлд пос вүты хуята – 7 миллион, щел вух мевэлд пос пэты – вет миллион па патарух мевэлд пос – хэлум миллион шойт вух сухуптэлэй.

Людмила ЛОНГОРТОВА

Владимир ЕНОВ

«Най Аңки» ешайн пүншлы

Тәнлуп тылдәш 28-мит хәтл вүш эвәлт ай көр тылдәш 6-мит вәнты кәтхущъяңмит пүш Ёмвоши «Най Аңки» нәмул Мүвтәл кинайт ванлтаты хәр питл. Щи оләңән тәм ванән Юрий Изосимов, Дмитрий Пуртов каш вәрәт департамент эвәлт па Марат Нухов Югорской кинопрокат нәмул хотн рәпитеттә хә ай павәтсәт. Тәнәл 60 ол мәңәс щи вүш эвәлт, хән Сүмәтвоши газ вәйтсы, па ветъяң ол мәр мүн мүвеңн питы вуй холумтлы. Щи вәрән постәты пәты XII-мит Мүвтәл кинайт ванлтаты вәр «Человек и нефть» нәмул нәмн альщасы.

Ешайн «Най Аңки» ийлуп сайт пүншал, щит www.ugrafest.ru хуши вәл. Щата хәннәхәйт кинайт вантты нәпекәт дывела вохты ширтәйләт, ёхат щиттәт Югра-Классик, искусства центрән па Югорской кинопрокат хотаң ләтты рәхд. Тәм одн кинайң нәпекәт 40-220 шойт вух араттын тайләт. 350 шойт тынан абонемент нәмул нәпек ләтты шир вәл па щит унтасн кашаң хәтл арсыр кинайта яңхты. «Дух огня» пүншты па ләп

тәхәртты вәра билеттәп дәтты мосл. Д. Пуртов лупәс, па вошатн вәлдәттә кинофестивалят пүншты па тәхәртты пурайн хәннәхәйт тәрум пәты есалдыйт. Мослупты, вәна пәләка юдум мир, щәлтә вәнлтыйлты айдат ёх, ар нявремәң не-хәйт па нявремәт 50-кәм араттынды нәпекәтн тынылдыйт.

Сыры иты кинайт Югра-Классик, искусства центрән па Югорской кинопрокат хотаң ванлтәйлыйт. Ём-

вш тухәлди щиттәп палунәлтуптәт Нижневартовск, Нефтеюганск, Сәрханл, Излучинск, Советской па Югорск хуши мәңты питләт. Тәнлуп тылдәш 28-мит Нижневартовскайн вән ёх пәты мультифильмәт ванлтәйлыйт, ай көр тылдәшн Советской па Югорск хуши щимәштүттәт нявремәт вантләт. Щәлтә Ёмвоши, Сәрханлайн па Нефтеюганскан вәлдәттә мир Сергей Соловьев ләщтүт «Чайка» нәмул лунәлтуп вантты вохлыйт.

«Най Аңки» мәнты хәтләтн Ёмвоши нефть па газ нәмулхотн «Нефтьвиноискусстве» ванлтупсы питл. јхат щата еңта пәсанән питы вуй холумтты мир режиссерәт па актерәт пила вәйтантыйләт. National Geographic хуши рәпитеттә ёх «Последствия. Мир без нефти» нәмул кина мира ванлтәләт. Тәмәш вәрәт тухәлди Ёмвоши Александр Абдулов кевән хурас ванлтәләт, ёхат лыптәт тылдәшн щи ут Югра-Классик хот питәрн омәслы.

Кашаң ол каш хәр пүншты па щиттәп тәхәртты пурайн «вүртә лаңкуп» ёш хүваттыйн арсыр вәтән актерәт, кинайт ләщтәттә па якты-ариты ёх КТЦ «Югра-Классик» хота шәшләт. Хүйттәм пүш щи ёш хүват мәңты питләт, худна уш ѡнтәм. Вантә, «Най Аңки» кәща С. Соловьев щи вәр хәния тайләләт.

Реональда ОЛЬЗИНА

Тәмиты культура ол Мүв-авәт па Хәннәхә нәмпи тәхийн постәты питлы

Тәм ванән Мүв-авәт па Хәннәхә музей кәща не Светлана Лазарева айкел кәншты па хәншты хуяташтәт вохсәлә, ләдн пүтәртты, хутыса лыв мәнум ол мәр рәпитеттә па муй ширн елды рәпитеттә питләт.

Кәща не яснәт ширн, тәм одн арсыр ванлтупсәт па вәйтантупсәт күтн мәт вулаң – щит хәтмит Югра мүв музейной биеннале ләщтәләт. Тывокругмузей кәщайт ияха ёкәтлыйт, ләдн лыв вәрум рәпата оләңәнуша атпавәтсәт па күтәләт ат пүтәртсәт, муй елды ләщтәттә питләт. Щәлтә «Музеи России – Югра» нәмпи вәр, «Увас мүвеба нартамләт китум

ёх оләңән» ванлтупсы, мүвтәл вәйтантупсы «Ночь в музее» пүншлыйт. Щи тумпийн мәт оләң Мүв-авәт па Хәннәхә нәмпи тәхийн «Российское казачество» ванлтупсы ләщтәләт. Тыв Новочеркасской пурмәс шавиты хот эвәлт сырсыр казацкой пурмәстәт тәлдыйт.

Айкел кәншты ёх пәты 2014-мит одн кәт пресс-

тур вәрдә. Лүнән «Мамонтово кольцо» нәмпи яңхты-вантты вәр, хута Мүв-авәт па Хәннәхә музейн, «Археопарк» хәрн па Луговское кәртән мүв хор оңат вой оләңән пүтәртты питләт. Сүстәлн – Селиярово кәрт музей-усадьба тәхийн «Кузьминки» нәмпи емәнхәтләт ләщтәләт.

Елды С. Лазарева лупәс, хуты тәнәяд ол пурмәс ёкәттә па шавиты хота сот хәс щурәс хәннәхә юхтыләс. Тәм одн Ас хәлтә тылдәш рүтүштәтә хәтләтн тыв яңкәм щурәс хута лүнтыләс.

Тәмхәтл музейн сот ветъяңкәм щурәс арсыр пурмәс шавиман вәл.

Щи юпийн музей кәща ими итәх айкелдәт ләщтәттә ёха ишәк нәпекәт мойләс.

Культура ол пүншты пәты Мүв-авәт па Хәннәхә пурмәс ёкәттә па шавиты рәпитетнәт «Пакт Рериха». История и совре-

менность» ванлтупсы дәштәтсәт, мәтә ут Москва вош Н.К. Рерих нәмпи музей хот эвәлт тәсә. Щи тәхи кәща лаңкар хә Виктор Фролов яснәт эвәлт уша йис, лыв хущела олюпн хәншман ярсоткем хурвәл. Тәм музей хот Н.К. Рерих Святослав пүхл унтасн пүншсы. 2015-мит одн щи тәхи 80 ода йил. 1991-мит ол вүш эвәлт ветсот ванлтупсы арсыр мүвәттән вәрәнты. Тәп 2012-2013-мит однән мәр тәм хурәң ванлтупсы Париж, Берлин, Аргентина, Чили, Уругвай, Женева па па тәхийн вәлдәттә мирвантсәт. Ёмвоши округа ванлтупсы вельщи тәсә. Тәта ай көр тылдәш лапәтмит хәтл вәнты сот мултәс пурмәс вантты рәхл.

Елды тәм ванлтупсы Нефтеюганск, Нижневартовск па Сәрханл вошатн альты питләт.

Ирина САМСОНОВА

ВӘЯТН ЩИ ОЛӘҢАН

Николай Рерих – щит рүш мир вулаң хурат хәншты ики, лүв мүвтәл культурая вән унтас тәс. Ияхалунаттыки, Николай Рерих лапәт щурәс кемхур хәншәс. «Пакт Рериха» нәмпи нәпек – щит мәт оләң мүвтәл мир поступсы, хута йис культура вәрәт тәтә хота, кев хурасат па па ишимиш утәт лавәлман тәтә вәрәт оләңән нух хәншсыйт. Щи поступсыя 1935-мит одн ёш пос пунсы.

Кäсупсыя яңхум хэ

**Тäm ванäн ропхäң кўрк тылäшт 18-митн
Ёмвош физической культуры па спорт хот
хитн айкел ёкättы хäинхехуятт «Сочи –
2014» нэмуп кäсупсыя яңхум айдат хэ Ан-
тон Гафаров пила вэйтантыйлсätт.**

Мосл лупты, хуты Олимпиада пурайн лёв лухэн хэхäлман кäсäс па реп лоңдлн эвälт илдл хäтемумäл күтн ил ракнас па лухнäллшүкатäс. Щит пäта елдл кäсты лёв иса ён питäс.

Вэйтантупсы щосан Антон Гафаров айкел

ёкättы ёх елпийнтäмиты лупäс: «Тäm Олимпиада кäсупсыя мён түнцириäца дэшäтыйлсöв. Хоттед ёхдам ям хёв ён вантсум па юдн иса веттылäш мэр ён вэсум. Кашäң хäинхех, алла, нэмäсäс, хуты мён мäтты тäхийн нух иши-па питлöв. Ма па Сергей

Устюгов ён веритсумäн нух питты. Тäm кäсупсыя вэр хуши кашäң хуят ил ракнäтты вэрилт. Мён тäm кäсупсыя шенк ар ям нумäс тäйсöв, тэп мён ширевän ён тывäс. Нэмäстемäн, елды иши-па кäсты вэр ён хäйлум». Елды Антон Гафаров путäртäс, хуты тämäш вудан кäсупсыя питты щир лёв вэн вера ён лүнäтлädэ. Вэн вэр, лёв ширалдн, хэн кäсты хуят ода тäхия юхäтл па нух питäл!

Владимир ЕНОВ

Мир лекцилдыйт

**Тэндуп тылäштн айкел ёкättы ёх Светлана Попова па Борисод Кольцов пила вэйтантыйлсätт.
Щи не «Здоровье» нэмуп хот кäщая вэл па
щи тäхи рэпата одäнäн ай павтäс. Тäm хотн
хэлум од мэр хäинхехайт кäши-мäшäт эвälт нух
түнматты па ям щирн вэлты вэнлтäльйт. Мосты
пурайн лёв щäлсаты окружной пэлънициая
китлдыйт, дэлн щäта тохтүртн ямсыева елдл
па лышидал нух ат вантсийт.**

Мосл лупты, щи хот айдат ёх пäты пүншсы, дэлн лывел айшäк пурал вүш эвälт тäланца вэлты вэнлтäты па мэшлал ийрätты. Тäm пүлян щив яңхты мэшäң мир күтн мет ар 40-59 ода ювум хуяттав вэлдäт, не аршäк вэл, шимл хэ ёх щив юхтыйл. Тэндял «Здоровье» хота хэлум мултас щурäс не-хэюхтäл, тэп яңкем процент хуят иса тäланца вэс. 2900 хäинхех арсыр кäши сүрт тäйсäт муй елды атма вэлты ки питлäт, хэнты иши кäшацаа ийлдäт. Вантэ, лёв ён рäхты лётут дэлдäт, холестерин нэмуп щирел вэна яис, щäлтэа пенклал кäшацаа. Итäх мир пäты щäта тохтүр вэл, лёв нэмасяя хäинхехайт түншириäца пенкäт длюхäтты вэнлтäл. Вантэ, ар хуят щит ушäна вэрты ён хошдäт. Щäлтэа щäта щир вэл уша вэрты, сэмäн яма калданаан муй атма. Шар талты хуятт пäты нэмасяя хот ийт пүншсы, щäлтэа лёв щив вэр вущкäтэе нётлдäйт. Ин-

тум щит унтасн нялсot мултас хäинхех шар талты вудысäт. Нюхен-дантäң ненäт па хэйт ар ён лёты па мосты лётут лёты вэнлтäльйт, дэлн ёхт лёв мёт кёла ал ийсäт.

1994-мит одн Ёмвошн восстановительной лечение нэмуп пэлъница пүншсы. Тäm одн щи хот 20 ода ийл па щит пäты вэн мирхот вэрды. Щи тäхи кäща В. Кольцов лупäс, тäm пүлян лёв хущела мэшäң хуяттав пäты 75 тäхи вэл. Кашäң хäтл нух түнматты нумäсн 125 хуят щив яңхты щир тäйлдäт. Тэндял 1740 хуят атл-хäтл щäта вэлман лекцилдäт, юлсаты ветхушъянкем щурäс хäинхех щив яңхäс. Хэтъян процент ненäт вэсäт, нялъян вет процент – щит 55-60 ода ювум мир. Ар хуят лёв-сом кäшет тäйлдäт, щäлтэа сэмлал кäшацаа па нерäң-сухäң мэшн мэшитдäт. Шимлшäк хуят түр па хун кäшет пила, щäлтэа шүкатум лёвлад

лекцилтты щив яңхдäт. Хäтдäтн аршäк мэшäң ёх Ёмвош па Ёмвош район эвälт вэлдäт, яңкем процент хуяттав округев кэртäт па воштээ эвälт щив юхтыйлдäт. Атл-хäтл щäта нух түнмалдäт лапатъянкем процент хäинхехайт па воштээ, кэртäт эвälт, 30-кем процент мир мён вошев па Ёмвош район эвälт вэлдäт.

2013-мит одн щи хотт «Детский реабилитационный центр» нэмуп тäхи пүншсы. Ин вэнты щäта ветсоткем няврэм нух түнматсыйт. Щитум-пи вэна пелка ювум ёх пäты «Центр по борьбе с хронической болью» тäхи пүншсы, хута пираС ёх мэшäң тäхет лекцилдäйт.

В. Кольцов щи вэрäт одäнäн путäртмалн лупäс, арсыр щүнкäтн мир ямäлты тухäлпи лёв минеральной йинк унтасн дывела яма ийты нётлдäт. Тäm ийтн округев хуши сухта вэйтсы па ешайн щит унтасн хäинхехайт кäши-мэш эвälт иши нух түнматты питлдäйт. Щäлтэа ар щирн мэшäң мира нёттэя лёв хущела тäm пүлян хот ийт ён тäрмал. Щит пäты хурамäң Данэл юхан хонäн ян реабилитационной центр пäты ийлуп хот омäстэе питдä.

Реональда ОЛЬЗИНА

450 миллион шойт вух мäлд

Югра правительства па РФ здравоохранение министерства непек вурцан щи арат вух окружной па федеральной кäсна эвälт онкология нэмуп мэш лекцилтты вера хултуптäлы. Щи одäнäн Югра губернатор верум правительства мицхот непек нух вантсы.

Мёвеев кäща не лупäс, щимäш вух окружев мет одäн пүш мäсы. 2014-мит одн федеральной касна эвälт 275 мултас миллион шойт вух юхäтл, 183 миллион аратшойтокруг щи вера тäрупта. «Щи вухт Нижневартовскай, Сэрханлдэн па Ёмвошн вэлты пэлънициайтай ийлуп щүнкäт лёттэя мэндäт. 22 муниципалитеттэх хуши щи хотт онкология мэш одäнäн уша вэрты пурмäсн тэлдäйт. Среднероссийской вэр киньши округевн еша шимлшäк хуятти ѕаши эвälт ѿнтэма ийлдäт. Интум европейской мёвтэн мэшиттэх хуяттаграттая вурратты мосл», – лупäс губернатор.

Здравоохранение кäща хэюканавэлты Владислав Нигматулин ай павтäс, хуты кашäң од щи кäши лекцилтты вера окружев вух мийляд. Мёвеев хүваттыйн онкология эвälт тäдана ийты пäты ийлуп хотт омäслэйт, тохтүрт вэнлтäльйт, ям пуртэндэл дётдäйт. «Вух мäтэе непек эвälт кäл, здравоохранение министерствайн рэпитеттэ ёх ѿвдäйт, хуты округевн щи вэр яма мэнл. Вантэ, щимäш вух тэп яртъян мёвтэй», – нёхмäс Владислав Нигматулин.

Айкелдэйт ара китты тäхи непек тулмäштэс Реональда СУРЕЙСКАЯ

«Древо мира» немпи мойлупсы вух вүты кাসупсы

Рэт мират поступсы тәты совет ёх тәм 2014-мит одн «Древо мира» немпи премия вүты касупсы пүншсät. Щиттәр тәп финно-уграта мәлдйит, хуйтат мирел пәты рэт яснäт муй культуры лава́лман тайты щира унтас тәлдät.

Щи мойлупсы вух щи веरа́т пәты мәлды:

– этнокультура, иис культура, вәлупсы лерамтты па мүв-ава́тсыстама тайты веरа́т пәты;

– шуши мират культура елды түвман арсыр фестивалят муй емәңхәтлät дәшттты пәты;

– кашан мир лыв саттэла нүшайт түнматты, ям вәлупсы дәшттты пәты немасия мирхота́т ве́рты пәты.

Щимаш премия вух ве́рите́лтäт ёл ёш ахолумтты, хуйтат лыв ёрда́н культура ве́рят нух алу́млät.

Щи премия – щит 2500 евро вух,

щиттәр и хуята мәлды, итәх пурайн ияха рәпитетты ёха.

Тәм премия вух водь мир тови емәңхәтлпурайн мәты питты-шил Ас нопатты тылдäц 29-митн.

Тәм мойлупсы вух вүты пәты рүш, эстонской па английской яснäтн щимаш непека́т китты мосл:

1) ходатайство непек (муй верты вүтчийлаты, муйкем аратхуятынын пидäна рәпитетты питл);

2) 1-2 пищма-рекомендацияйт;

3) хәннечә нәм, опрашнem, сема питум хәтл, ол, рәпитетты тахи, рәпетайн, юлн па мобильной карты

келдät номера́т, факс номер, электронной пошта;

4) хәннечә одәнән хәншум путрат па па ищимаш непека́т.

Мосл ястәты, жюри ёх ол мәр ипүш щимаш вохты непека́т нух вантлät. Щи непека́т вән көр тылдäц 1-мит хәтл вәнты китты мосл щи адреса: Hoimurahvaste programmi sekretariaat Soome-ugri osakond, Ulikooli 18, Tartu 50090, Eesti.

Непека́т тәм электронной пошта хүват киттәти: kadi.sarv@ut.ee.

Тәм карты кел хүват – 372 7375 227; 372 504 5547 муй электронной пошта madis.arukask@ut.ee Мадис Арукаск эвәлт арсыр ве́рят оләнән иньшäстү ве́рите́лтäты.

Хәнты яснä тулмаشتас Людмила СПИРЯКОВА

районан, хәнтэт обдорской путрупсын күтедн путратлät. Щит пәта немасия няврэмät вәнлтäты пәта ве́рүм непека́т иса ён тайлдүв. Киникайт лорвош муй касум ёхлүв путэрн тәп хәншман вәлдäт. Щи утат унтас тайта ўшколайн мүн ширеван няврэмät хәншты муй путремäты вәнлтäллүв. Стихät, арсыр хурамац путрат, моньшат иса тайта дәштлүв, ләлн пухат па звет лыв рэт яснел иса сәмәнә ат тайсэл. Лорвош хәнтылүв па рүш ёх путрат муй арат обдорской путрупсэта тулмаشتаллүв па щиттәт унтас ўшколайн няврэмät рэт яснела таллалүв.

– Ин наң Финно-угорской поэтат па писателят вудаң мирхотаң вәсән памуй ве́рите́лтäн щи одәнән путраттты? Муйсэр унтас тайшаш вәйтантупсэт мүн увас ёхлүва тәлдät?

– Ма щирэмäн, тәмäш вәйтантупсэт мүн хәннечуялтлүв авера мослдат. Тәм йисн ар пеләк хәнты няврэмät юлн иса рүш яснäн путрема́лдат. Щит пәта итәх пурайн мүнэвэ шенк лаварт лывел рэт яснä вәнлтäты. Щалта хәнтылүв юхи хашум одәтн арсыр мират пила ияха дылтассат па рэт яснел иса юрэмäты питсат. Тәмхәтл тәп ўшколайн няврэмäт хәнты яснä хәлтү па вәнлтäты ве́рите́лтä. Арсыр мир писателят тайта лупсат, ўнкай-ашийн пухат муй звет юлн ён ки вәнлтäлыйт рэт яснä, щит рэт мир яснев айлта юрэмäты питлэв. Щит пәта аршак тайшаш мосты ве́р оләнән кашан тайхийн путраттты мосл.

Владимир ЕНОВ

Рэт яснä вәнлтäты не

Финно-угорской мүвтөл мират писателят вәйтантупсы вәлум пурайн Пуднава́т вошн няврэмät рэт яснä вәнлтäты не Ольга Николаевна Пандо пила путремäсум. Лўв Аксарка вошн Приуральской районан ўшколайн-интернатан рәпитет.



Муй щирн тәм йисн хәнты пухат па звет рэт яснел вәнлтäлдат па муйсэр нүшайт тайхат щата вәлдäт, Ольга Пандо айкел ве́рәс:

– Мавәлупсемхүватисаняврэмät пила рәпитетлум. Ма лывел 25 ол рэт яснä па литературая вәнлтуман вәллум. Сырыя Пуднава́т вош педучилище етшуптумем юпийн нёрум мүва Сеяха кәрта Ямальской района направление щирн рәпитетты китсююм. Щата ма ўшколая яхты няврэмät юрн мир яснä вәнлтäсум. Вантэ, ма күш хәнты, тәп юрн яснäт айтедн

яма вәйтлум. Итәх пурайн ма щи пухат муй звет рэт лыв яснел уша вәрдум. Кашан тайхийн юрнäт иши арсыр путрупсээт тайлдат. Сеяха кәртäн лапат ол мәр вәсум. Эхат па рэт мүвема, хута сема питсум, енумсум, ўшколая яхсум, юхатсум па ищити няврэмäт вәнлтäты питсум.

– Нәң, алпа, пухат па звет рэт яснä вәнлтäты түмпийн, айшак классати вәлтү няврэмäт пила па рәпитетдэн?

– Ма иса нялмит классат вәнта няврэмäт вәнлтäсум. Иши кемän лывел рэт яснела талсум. Тәмхәтл вәйтлум лупты, ма вәнлтäты няврэмдам шенк сәмәнә хәнты яснел муй путрупсэл тайлдэл па елды тәлдэл. Хән лыв рэт мир путэр хәлдäт, вәнлтäты нене́л звэлтлэн па елумдат па шенк хурамац айкелдат урокайт ве́рите́лт. Ма нәмästemäн, кашан хәннечә пила лўв рэт мир яснälän ки путраттты, щит лўвела иши ям па каш питл. Щит пәта мүн хәнты яснäн дәштум вәнлтäты ве́рите́лт ўшколайн ве́рите́лт. Аксарка вошевни ма па ве́рә эмшä мэндат.

– Ольга Николаевна, нын хущана ўшколайн няврэмäт рэт яснä вәнлтäты пәта киникайт тайлдати муй ёнтэ?

– Мүн хущева, Приуральской

Нявшемат сәмл мәлдә

Кондинской район Леуши кәртән Бельюковайт хоттөл ёх вәл. ҆апат ол юхды Алевтина па Владимир пильеңән вет тылдәш луват ай пушхие әнмәлты вүсән. Тәмхәтә Кира эвие Леуши кәрт әшколайн одәнмит классан вәнлтыйл.

Ияха вәлман Алевтина па Владимир Бельюковчан кәт нявшем: Иван па Анастасия Нуви Тәрум илдия тәсән. Интәм нявшемчан вәна йисән, Иван пухал рәпитет, Настя эвән Екатеринбург вош Венской академиян вәнлтыйлман вәл.

Пильеңән шенк ләнхаснан, лән дыв хоттел ёхн и нявшемие па сема ат питәс. Хәтләт, тылдәт, одәт елды мәнсәт, тәп Тәрум Ащийн пушхиенән ўн мәсыйнан. Ипүш Бельюковчан хуятчан нумсән юхтыйнан шәкашты нявшемат тайты хот эвәлт ай эвие вүты. Непекәт сора әкәтсәнан па мосты тәхета китсәнан. Әхәтшәк Алевтина Урай воша ўңкилы-ашилы нявшемат вәлты хота пушхие ванттымәнәс. Щиодән Алевтина щиты нәмәлдәмәс:

— Щив юхтәмән, ма ешәлтема вән ернасан ләмтум вет тылдәш луват щущи шепты пушхие тәсы. Нәмәслүм, щикем ай эвие, а муя щикем вән ернасан ләмәтсы? Вантэ, шәкашты нявшемат тайты хоти ар нявшем вәл, рәпатнекәтн ўн тәрумләйт. Щалта ма щи эвие ёша вүсем, лүв ма пидема вантас-вантас па нях муләнә йис. Сәмәм шүрүмтәс, нәмәслүм, щит ма пушхием! Щи пурга вүш эвәлт җапат ол мәнәс, ма сорни эвие немхуята

ян мәлдәм.

Мосл ястәты, щи луват ай Кирюша эвие арсыр кәши-мәшәт тайс. Алевтина Альбертовна ар ёр пунәс, лән пушхие атум мәшәт эвәлт сорашак ямәлты. Сыр-сыр пәльницийт, ямәлты тәхет хүват ипүшә лүвел тәтлясә. Интәм нявшемие ямайис. Ям, хуты рәпата пелак каркам имие хәс мултас ол мәр пәльнициайн мәш эвәтты тохтура нётты ненә рәпитет. Щит пәты лүв нәмәлт кәши-мәш эвәлт ўн пайл.

Елды Алевтина Альбертовна тыштуман лупас:

— Ипүш Кирюшаем әшкола эвәлт юхтас па иньшәс: «Әнкием, муй пәты ма опраш немән нән опраш немән киньща па щирн хәншман вәл?» Ма одәнән пакәнсүм, щалта юхды лупсум, щитаңкаңкем опраш нем, щигләты щиты хәншсүб. Одәт сора мәнләт, ешавәл па эвие вәна йил. Хәнты пурайн лүвела ястәлүм, лүв па ўңки эвәлт сема питәс. Тәп муй щирн ястәлүм — ўн вәләм, алла, одәнән психологиялеккар хуяту хуша яңхлум. Интәм щи одәнән нәмәслүм ки, сем йинкәт етләт.

Щиты путәртәв мәр, Владимир икелн эвие әшкола эвәлт юхи тәсы. Тәм хурасан вухаль эвие имухты ма пидема путәртты питәс:

— Ма одюпн хурат хәншты вәр



сәмәңца тайлум, мәт әмәш мәнәм хәннегә хурас хәншты. Щи түмпийн английской ясән вәнлтайдум, щи вәр иши мәнәма әмәш. Юлн ма доңыш сәм попугай немпи ай түхләң войе тайлум. Лүвел ләтутн җапатлам, йинкән яңыштадам, систамтлам. Доңыш сәм немн ма альсем. Вантэ, ай түхләң войе нуви-нуви хурас тайл.

Мосл ястәты, хән Кира эвие әшкола вүшә йис Алевтина Альбертовна рәпата эвәлт йира мәнәс. Лүв иса муй вәрн пушхиела нётл. Әшкола түмпийн арсыр вәртәв вәнлтәти тәхета тәтлялдә. Ияха урокат вәрләнән, ләтут кәвәртләнән, аня лыптат әнмәлдәнән.

Щи түмпийн Бельюковайт хоттөл ёх Владимир апщел эвәлт хәшүм нявшемие иши әнмәлтәт. Яртъян ол луваттыйн Алексей пушхие ўңкилы-ашилы хәшәс. Щит пәты Алевтина па Владимир пильеңән нявшемие әнмәлты вүсән. Интәм Алексей 37 ода йис, ими тәс, нявшемат әнмәлтәл.

Мүвтөл имет емәнхәтл пәты ма ләнхалум тәм нявлак па сәмәң имия вүшә яснәт китты! Лүв щи луват ям вәрләл-Кирюша пушхие рәт нявшемие иты әнмәлтәл. Кашәң хоттөл ёх пәты нявшем — мәт вән уй! Щит пәты Алевтина Альбертовна тәлан вәлупсы ләнхалум, хүв нәпәт, ишити ям нумасын уяна елды вәлты, рәт па пид ёхдалн җавәлман ат тайлды.

Ирина САМСОНОВА



Ханты ими Агафья Волдина 80 тা঳а йис

**Ханты нє Агафья Волдина там ол ай кер тылдаш 8-митн 80 тад
постад. Агафья Александровна Россия народной мастер нєм тайл.
Тамаш нємн 1998-мит олн Россия художникат союзн юкайтсы.**

Дув 1934-мит олн Октябрьской районан Мойим кэртэн сёма питас.

Ашел Александр Обатин методан колхос кэшчаявэс. Аңкел Мария Ивановна юлн нявлэмт ёнмалдман па хотаң вэрт тувман вэс.

Агафья айтедн аңкела нётас. Дуввой кеплэйт таналты хошас, ханты лэмэтсухаш ёнтас, дэтуут кавартас. Аңкел пөлөи вантман, ищти тэссыева кашан вер вэрэс. Тунты эвлэйт пурмасыт вэрты иши айтедн вэнлэс. Аңкел пила хүл велпэслэты яхмедин тунты хурсаңан па мости щирн юх нюхартты патэссыева тунты ювартты вэнлэты. Муй щирн тунтын хурамаёт ханшты па сыр-сыр пурмасыт вэрты мосл, иса ванлтасы. Аңкел пөлөи вантман айлтыева щит яма вэрты вэнлэс. Щи тумпи дув шенк яма ханты ернаасыт ёнты, сакн ил тахет кэртты, хурамаң сэвумвейт, пунц носкет, посайт тытты хошл.

Агафья Александровна вэлупсээд Вэн Аңклум кэртан майнас. Вэлупсээн арсыр даварт суртэт

тывийлдэйт. Вудаң ладь пурайн рэпитеты питас. Ладь юпийн иши кен хэн вэс, вой-хүл велпаслэс, нявлэм ёнмалтас.

Арол Агафья Александровна арсыр кэсупсэта, ариты-якты хэрэта, ванлупсэта янхас, щив вэрум па ёнтуум пурмасдал тэтляслэ. Щит пята арсыр мойлупсэти, ишак непекатн мийлясы. 2013-мит олн дув нэмл «Лучшие люди» вэн мүвтэл энциклопедия хуши ханшы. Щи непека 15 шурас арсыр вудаң мир нэмэт ханшман вэлдэлт.

Ханты йис вера Галия эвэл па вэнлтаслэ. Галина Семёновна Волдина интэм шукшты вэр эхтын методиста рэпилт.

Тынан Агафья Александровна! Сёма питум хатлен па имет емэнхатл пята вэн вүща ясан нянцена луплув. Рэтмүвен па мирен пята нянцарёр пунсан. Тэлан ёш, тэлан күр нянцена!

Октябрьский район «Музейно-выставочный центр» тахи эвлэйт
Елена БОРОДИНА



P.S.: Галина Волдина аңкел Нягань воша пәлнициая тэты па пунты нётмэн пята Губернатор лаңкар хэя Геннадия Бухтина па нётты ненца Людмила Алферовская вэн пәмашипа ясан луплэл.

**Ханты ясана тулмащас
Надежда ВАХ**

Калташ мүвн ёнмум нє



Тэнлуп тылдашн олёндит хатлэн ханты нє Любовь Васильевна Кашлатова 60 ол постас. Дув Сүмэтвош йис путрат, моньшт па па шуши мир ёл вэлупсы тахи Увас мир института дунман вэл.

Л. Кашлатова Муликэртэн сёма питас. Ай пуря вүш эвлэйт эвие нумасн па сям дыпийн хотаң йис вэрт хэшсэйт. Округ луваттын вэлты шуши мир Калташемэн мёвса поры вэрты юхтыйлдэйт.

Дув наука щирн вэн непек лэштэйт, щит «Духовная культура среднеобских ханты». Там рэпатайл Любовь Васильевна Ева Шмидт учёный хуятын арталасы, хуты «Нохар» рэт мир олёндэн нэмхүятэн ён ханшлы. Веня пелка ювум кэртэн ёхдал па па ёх эвлэйт йис путрат, моньшт, арат па сырьи пуря вэлупсы олёндэн нух ханшал. Акайтты утдал мирхотаён лүнгэлэлэ, щитэйт киникайтэн ханшман вэлдэлт. Щит мэйт вэн унтарас непека хуята па лүнгэлти

мира. Юхи хэшум олдтын дув Калташ кэртэн нявлэмт пяты рүтшэшти тахивэрэнтэл. Рэтмүвэл да ванкүтэлэ эвет па пухэт аңкидал па рэт ёхдал пила юхтыйлдэлт. Любовь Васильевна ар ол Сүмэтвошн «Югра лылнуутаты» оса тахийн кэшчая вэл. Дув тэс па мости вэрт лэштэйт пяты па иса пурайн ай кэртэн хуята нёттэл пяты Увас мүвтэл мир Ассоциация тахи кэща ёхн «Верность Северу» мевэлд посэн катлуптасы.

**Любовь Васильевна, мүн, ре-
дакцияев тахийн рэпитеты ёх,
рэт па вэтэн ёхлан сям эвлэйт
иты ям яснэйт луплэйт. Калташ
рэт мүвнэн ёрн ат мэльян па ат
лавалыйн. Хув йис па хув нэпэйт!
Раиса РЕШЕТНИКОВА**

Лўв сттэда няврмт пида рпитты внлтылс...

**Тмхтл ма ям хнты ими однн хншты лнхалум,
щит Зоя Емелъяновна Адина. Лўв пида Хулимсунт кртн
втца йисум.**



Зоя Емелъяновна хнты Новьюховт рт эвлт йил. Ащел Емелъян Игнатьевич Новьюхов, ёнкел Наталья Петровна, эви опрашнемл вс Молданова, лўв Ваньшавт кртэвлт. Лыв семьяйл Ващдор кртн вс. Лыпт хойты тылш 20-митн 1941-мит одн лыв хушеда ай эвие сма питс, Зоя нмн мсы. Зоя тумпи лыв семьяедн нял няврмн смс, тп ин лўв атлт хшс.

Ащел Емелъян Игнатьевич войхл велпслты хя вс, Вулн Отечественной ладън ладъс, 1943-мит одн мшмалтсы, юхи крлс, ванктлы мшиштс па 1953-мит одн ѡнтма йис. Щи одн лыв Ващдор крт эвлт Тка каслст па ащел катра хотн влты питст. Тта Зоя ёшколая мнс, Смтвоши 7-мит класс етшуптс. Лўв айтлн леккара йиты лнхс, ёшколайн иса снтаркай вс. Елды щиты путртс: «Шенк вуратсум вантты, муй щирн мет ай апщм сма питс, тп ён еслсаом. Мнмн ёнкмн шаль вс, щирн ястсум, вна йилум – ими леккара внлтылдум».

1959-мит одн ёшкола

етшуптумал юпийн Зоя Ёмвонаша медучилища мнс. Ртдал па кртн ёх лўвела лупст, ллн лўв няврмт внлтты нна ат йис. Вант, лўв ёшколайн внлтылмалн ай няврмт мосман тйс, лыв пида шенк мща юнтс. Тп айлат Зоя нмудт хуят ён хлнтс па тохтра внлтты мнс. 1964-мит одн медучилище етшуптумал юпийн Зоя Новьюхова Смтвоша рпитты китсы. Щита лўв пльнициайн айлат леккар нна рпитс, ёлта ай няврмт лекщитты хотн. хт Хулимсунт кртн рпитты питс, вант, щи вурайн тта тохтр ѡнтм вс.

Тта Зоя икел пида втца йис. Константин Адин хвн айлат Зоя пельн смца вантс. Лыпт тылш 1966-мит одн ияха хншаньшнн. Зоя Емелъяновна щиты нмлмс: «Щи вурайн вн йинк вс, ям дстут ѡнтм, тп мудты эвлт плн псан лштс». 1967-мит одн лын хшана Саша пухие сма питс, 1969-митн – Надя. Хулимсунтн Зоя Емелъяновна ям арат од мр ай леккар хотн рпитс, ими тохтра вс, щи вурайн ар няврмт сма питс. Щи тумпийн Зоя Хулимсунт крт пнлн влты ай кртта янхс, щита щиты мир па леккар хотт вантман тйс. Щиты ястс: «Менгквья, Ханлас па па кртта янхсум. Ханлас крт внты янкм верста йиты мосс. Имултыйн щита няврмт ветрянка мнн мшиштст. Лыв ащел крн Хулимсунта юхс па мин янкм верста щив шшс. Ям арат хтл щита всум па лавлсум, хн няврмт ямашк йилт. Имултыйн ухлатма тты эви вантты вoxсюм, ма щив ай леккар не Катя Анемгурова пида янхсум. Щи утшам эви ўна ар йинтуп пнс, мин лўвел ктлман рома йиты пты укол лоньшсумн. Ёлта яйл вoxсюм, ллн Някимволя минэв ат тсл. Лўв влы тты хя вс, ма лўвела ястсум, ллн лўв апщел па мнм хла келн ат йирсл. Вант, ма нмудт вурайн влы хлн ён янхсум, щирн ил птты плсум». Щи тумпийн Зоя

Емелъяновна ай тохтр иты вуҳсар тты хот, нянь врты хот, дапкайт вантман тйс.

Зоя Емелъяновна Надя-эвел «Лнкие» нмпи ай няврмт хтл мр тты хота мты пурайн щита ай тохтра па ипуляц ай няврмт пида рпитты питс, щита 1971-1982-мит одтн рпитс. «Ма мосты киникайт лнтсум, ма саттма внлтылсум, плантхншсум. Ртдал па кртн мир ясн тывс – ма ищи няврмт пида рпитсум», – лупс Зоя Емелъяновна.

1982-мит од вш эвлт З.Е.Адина ям арат од газ вты ёх влты-хлты хотн рпитс, ёлта оператора внлтылс па ЛПУ хуща рпитты питс. Щи однн путртмалн Зоя Емелъяновна еша Хулимсунт крт однн путртс. 1960-мит одн щита вуҳсар, мис-лов тты хотн вснн. Вуҳалятвой-хл велпслст, вой сухт, арсыр вонышумутт, нохр смт мст. 1970-мит одтн газ мты турпайт пунты па станция омсты пурайн вуҳсар хот лп тхрсы, вант, щи воиет ён вериттт газ турпайт сй хлнтты. Ям вуҳсарт Поднавт крта ищимш тхия китсыйт. Щи пурайн вуҳсар па мис-лов ошнн йира вснйнн. Тп ям, рпатайды ёх «Газпром трансгаз Югорск» тхия рпитты вснйт. Хвн Хулимсунтн вой велпслты тхи рпитс, 1990-мит одтн щит иши лп тхрсы.

1996-мит од вш эвлт Зоя Емелъяновна пенсияйн вл.

Елды лўв няврмл однн путртс. Надежда эвел воспитателя внлтылс, сыръя садикн рпитс, ин искуствайт ёшкола кшя йис. Вант, лўв айтлн хурамна хурт хншс. Лўв кт няврмт тйл. Александр пухл иши Хулимсунтн вл, лўв хлм няврмн смт, щирн интм Зоя Емелъяновна вет хил па и мт ай хил тйл.

Имет емнхтл пты тм ям, нявлак имия ям вща ясн китлм. Сорни Зоя Емелъяновна, яма, кши-мш ал вантман хв йис нпт вл!

Людмила СПИРЯКОВА

Хэнты имет акань ёнтсайт

Там мэнүм тылажын Полнавайт кэртан хэнты имет вэйтантупсы вэрэнтсайт. Щайта дыв айдат ненцай па эвет хэнты акань ёнтты вэнлтасайт. Щи вэйтантупсы Түкъякай нэ Надежда Алексеевна Гришкина лэштасайт.

Мэт олёнэн Полнавайт кэрт кэшэ нэ Лариса Макеева яктайшум хуягтай ям вүща яснайт лупас. Щайлта па Надежда Гришкина щив юхтум имета па эвета путартас па ванлтас, муй щирн акань ёнтты мосл.

Хэнты тэмшэг аканягийн хэнты эвшиет юнтсайт. Анкаңкилалн-анкилалн щитай сыр-сыр хэншэн щашкан, нэй, пүнэн сух эвэлт ёнтсайт.

Мэт ям вэс, хуты тэм вэйтантупсыя айдат эветт ёнцилад па анкаңкилал

пила юхтыйлсайт. Дыв хурамайн аканяг ёнтсайт. Акань иет хурамаң ернасайт, щашкан саҳайт дэмлтасайт. Щит ёнтман имет хэнты арат ариласайт, амама тщэт путартсайт. Мэт тэс арие Түкъякай нэ Анна Себурова арийс. Хэнты ишигы вэн анкаңкилал ариман аканяг ёнтсайт.

Юхтум имет акань ёнтты күтн па етихот вэрэнтсайт, күтэлн арат па якат ванлтасайт. Светлана Павлова вэрүүм пурмаслал вантлтаты



Н.А. Гришкина аканяг ёнтты вэнлтад

тэслэ. Раиса Афанасьевна «Вурна хайл» олёнэн стихлүүтсайт. Людмила Туполева «Ай Полнавайт» арийс. «Ас ненцайт» тэхийн якты-ариты ненциет Валентина Попович, Надежда Тользина, Светлана Осауленко «Хүл велтэй ненцайт» як яксайт. 77 тэлдээ юувум Евдокия Ефремовна Лельхова хэнты ими олёнэн вэйтантупсыя юхтум хэннэхуягтай хүв мэр нэмтэй питлдайт. Лүүши мурта тэс арие арийс, щит мира иса сэма хойс. Щи юпийн па Людмила Костиная, Анна Себурова ёнтуум хурамайн хэнты ернаслал нух дэмлтсайн.

па ванлтасайн. Галина Костиная ёнцелдн Людмила Костинаян хэнты хураматын тыном дэмлтсух юхтум мира ванлтасайт.

Хэнты хайл мэнемэс, ин имет аканьлал етшасайт. Вэн пэмашига дыведа луплум тэмшэг хурамайн емэнхайлд пайтая.

**Вэйтантупсыйн вэлүүм
мойн нэ Марина Н.**

**Хэнты ясана
тулмаштас
Надежда ВАХ**

Анастасия Себурова па Людмила Туполева вэрүүм хурат



Матрёна Григорьевна Юмина



Хэнты аканяг



Р.П. Афанасьева эвшиел пида

Юхды яснёт юхатсёт...

Мэнүм од хэсмит газетайн мүн Сүмэйтвош архивн рэпитты хэнты ими Л.В. Кашлатова путэр хуват лэштум «И ёрн даварт суртат түнматты» инишсупы хэншсүв. Эхатшак Ас-угорской институт кэща ими В.И. Сподина вэндтэты вэрт па айдат ёх департамент кэща неня Л.Н. Ковешникова пицма хэншас, мэттэ мүн итэх нүшайт оданы юврая хэншмөв. Елды Л.Н. Ковешникова Югра мүв общественной связят департамент кэщая И.А. Верховская хэншас, дэлн лув щи вэрт ат арталас. Илья Аркадьевич мүнчева партас тэм вэрт йилда ямсыева нух вантты па тэса юхды хэншты.

«Совет старейшин» оса тэхи ёх па Ас-угорской институт кэща ими В.И. Сподина газетаева пицмайнан китсёт, хута хэншсёт, муй лыв щи оданы нэмэслэйт. Ас халты тылажи кимит номерн мүн лыв нумэслэд хэншсүв. Интэм увас мирят ассамблэя депутат ики Е.Д. Айпин эвэлт пицма юхтас.

«Раиса Германовна!
Мэнүм од хэсмит газетайн Ирина Самсоновайн хэншум «И ёрн даварт суртат түнматты» Сүмэйтвошарят-моньшэт, йис путрат па вэлупсы ёккты архив тэхи кэща имиши пица путэр мүн яма дүнжэсв па нух вантсэв.

Газетайн тэм тэхи нүшайт оданы вещката хэншман вэл. Сүмэйтвош архив тэхи вэра катра хоти вэл, щит пэты щи

хот сора йилдлэти мосл. 2010-мит одн вэндтэты па айдат ёх вэрт тэты департамент кэщайт партас, дэлн архив ёх Сүмэйтвош ёшкова-интернат хуша хот йита ат касалдсёт. Тэп яма рэпата тэты пэты нэмэлт ён лэштасы. Щи оданы Роспотребнадзор тэхи ёх Ас-угорской институт кэща имия В.И. Сподина хэншас, щайта рэпитты пэты нэмасия проект па рахты непек дэштэти мосл.

Сүмэйтвош архив рэпатнек Е.И. Адина культуролога вэндтэдэл па 2010-мит од Ас нопатты тылаж вүш эвэлт 2013-митод Ас нопатты тылаж вэнтэти рэпитас. Кашэн хэлум тылаж мэр лув рэпатаиль оданы отчет непек хэншас. Рэпитты пэты мосты ўнкянтэйс. Диктофон ўнкян лув

тэп 2012-мит одн Ас потты тылажи ёша катулгтасы. Па одн Ас нопатты тылажи рэпата эвэлт йира мэнэс. Щи елтийнхув мэр кашитас, щи юпийн рүтшас, щит пэты диктофонан рэпитты ён веритас.

Л.В. Кашлатовайн хэншум непекэт 2011-мит одн лэштаман вэсэйт, тэп В.Н. Соловар лувела партас щи путрат йилуп пуквайн хэншты.

Вэндтэты па айдат ёх вэрт тэты департамент кэщайт нялмит абзацн хэншас: «1990-мит одн вэн кэр тылаж 25-мит хатдан Ёмвош округев народной депутатат Соговет тэхи ёх мирхот пурайн хэнты па вухаль яснэнан алфавитнан 73-мит поступсийн хэншас, дэлн елды иса киникайт тэп тэм пуквайнт ат есалсыйт».

Сүмэйтвош архив рэпата одан поступсийн хэншман вэл, лыв рэпатнеклэдэйт йис путрат, моньшэт па па утэт увас мир эвэлт ёккты вэр тэдэйт. Щи тумпийн щитт научной ширин артадлэйт, дэрамтэйт. Итэх пурайн арсыр шуши мир емэнхэтдэйт иши сыр-сыр путрат, моньшэт ёккты мосл, вантэ, тыв ай кэртэйт эвэлт вэна пэлка ювум хэннехуяят юхтыйлдэйт. Щит пэты Сүмэйтвош филиал рэпатнека щимэш емэнхэтдэта иса пурайн янхты мосл.

Сырыя хэншум яснёт щирн, ястадум, И.В. Самсоновайн «Хэнты ясн» хэсмит газетайн Сүмэйтвош архив тэхи кэща не Л.В. Кашлатова пица хэншум путэр хуват нэмасия план дэштэти па щи тывум вэрт Ас-угорской институтн рэпитты кэщая дэштэти, дэлн Сүмэйтвош архив нүшайт түншираа түнматты».

Округ дума кэща дэнкэр хэ, Увас мирят Ассамблэя кэща ики Еремей АЙПИН

Хэнты ясана тулмащас Ирина САМСОНОВА

Хурамаң пурмасёт тэса вэрэл

Хэнты не Лилия Михайловна Сопочина
Ватъёган юхан хонайн вэнт шушийн вэл. Леонид Алексеевич Покачев икел пица вой-хүл ведлэслуман, вонышумутэт ёкктыман па вэлэт давалдман вэлдэйн.

Лилия Михайловна Нижневартовской район Варьюхан пүнэлн Ягурьях юханэн сэма питас, щайта айпурал олдал мэнсёт. Ашэл – Михаил Александрович Сардаков – Аган юхан хэ вэс, ёнкел – Варвара Ивановна Кечимова – Тромаган юханэн сэмуум ими.

Лилия Михайловна ар од мэр Лорвош пүнэлн вэнт шушийн вэс. Кэт пух, хилы па хилдне тайлд. 2004-

мит одн Варьюхана юхтас, интэм икел пица Ватъёган хонайн вэл. Ма тэм хэнты ими пица Варьюхан хуши вэлдэ давалты ёх хатдан вэйтантайлсум. Лув менье пица щайта вонышумутэт, сэлк эвэлт кэртум түрлопсёт, пуркайт мойн ёха тыныйс. Щиттэс ёшши не, хурамаң пуркайт, түрлопсёт па па утэт вэрл.

Надежда НОВЬЮХОВА



Рэт ясңаң стихাত лўнгатсат



Тәнлуп тылдыш 21-митн Ёмвошн вәлты хәнтэт па вухалят мўвтөл рәт мир ясңаңт хәтл постәты яха ёкташсийлсат. Щи мир күтн вухаль пирәш икеңән Егор Алексеевич Яркин Вүт Няръёх эвәлт па Николай Иванович Хозумов вәсңән.

Щи хәтәлн обско-угорской институт ёх рәпатнекәта мәсәт, хуй-тат ар ёр пунсат, ләнн пәмашипа нәпекәт ям

аәл вәшсәнән. Щит Е. Ромбандеева, Ф. Лельхова, С. Динисламова, Е. Каксина, П. Тарлин, М. Кумаева, Р. Потпот, А. Шиянова, Г. Нахрачева па Е. Степанова.

Мосл лупты, тәрум илдийн вәлты мирәт 2002-мит ол вүш эвәлт рәт ясңаңт хәтл постәты питсат. Мўншушимирлўв иши арсыр кәртәтн па вошәтн щит вәрләт. Обско-угорской институтн рәпиттү мир щи хәтла нәмасия финно-ургат оләңән ванлтупсы

ләштәтсат, щата шуши ёх хәншум киникайт па аканят вәсат. Россияйн 17 финно-угорской мирәт вәлләт, дыв вәлупсәл па ләмәтсухдал тәса вәты пәтә Александра Тахтуева шәңтәт дапатхущъяң акань ёнтас. Щиттәт күтн сәран, удмуртәт, марийцат, вепсат, хәнтэт, вухалят па па финно-ургат аканят вәлләт. Интум щиттәт института юхтылум мира ванлтасыйт. Щи юпийн Владимир Енов, Татьяна Бахтиярова, Валентина Соловар, Светлана Динисламова, Федор Ершов, Сергей Ремизов рәт ясңаңдаң па рүшширин стихаат лўнгатсат, Ульяна Шульгина па Мария Волдина хәнты арат арисәңән. Иши әмәш вәс Сайд Хакназаров хәләннты. Лўв таджик, ар одобско-угорской институтн наука верат дәрамтәл. Тәм емәңхәтәлн Рудаки нәмуп таджикской па персидской поэт хәншум стихаат рәт ясңаңлн лўнгатсат. Ма нәмәслум, щи хәтл вәнты итәх ёх нәмхәнты щи ясңаң ан хәлдяясат. Щирн, тәмиты шуши ёх рәт ясңаң хәтл постасат.

Реональда ОЛЬЗИНА



Емәңхәтл пила!

Прасковья Филиппова пила мәнум одн Сүмәтвош район Саранпауль вошән вүлден ёх емәңхәтлән вәйтәнтыйлсумн. Щит нюомша па ром нә.

Прасковья ай пурал олдал вәнт шушийн мәңсәт, ащел Егор Васильевич па ўңкел Тамара Яковлевна Хозяиновнән вәлупсәл мәр совхозән вүләт дәвәлман вәсңән. Щата иса няврәмдал снумсат. Вәна ювмәлн Прасковья иши вүлды дәвәлты хә хуши мәңсә, щит Владислав Филиппов. Йын кәт пухенмәлтләнән. Вән пухаң ин нялмит классән Саранпаульян вәнлтыйл. Йын хәтмит

оленевошеской пиркатын рәпитләнән. Пирката вәл Прасковья яйл - Аркадий Хозяинов. Мосл лупты, щи кәсупсыйн Аркадий оләңмит тәхи холумтас па «буран» түтәң хопн мойләс.

Ин имет емәңхәтлән Прасковья Егоровна ям вүща ясңаңт лупты ләңхалум, ләнн лўв уяңа, тәлаца ар ол мәр ат вәс!

Надежда НОВЫЮХОВА



Айлат ёх мүвтөл рэт ясан емэнхатл постасат

1999-мит ол Ас потты тылдыш 17-мит хаталын генеральной ЮНЕСКО нэмпи лүнчупсын рэпитты ёх нумса юхатсайт мүвтөл рэт ясан емэнхатл вэрты. 2000-мит ол тэндуп тылдыш вүш эвэлт щи емэнхатл постасаты питсы.

Тэм ол тэндуп тылдыш 20-мит хаталын Ёмвоши Югорской государственной университетийн мүвтөл рэт ясан емэнхатл постасаты паты вэйтантупсы дэштэс.

Тэтаа правительства хотрэпитты ёх, осатажет хуягтайт, увас мир поэтесса именчан, шуши мир непекац хайнхехутайт, культура па искуства вэрт тэты рэпатнекат, айкелкэншты па хайншты ёх па Югра мүв айлат хуягтайт арсыр миртэл рэт яснайт оданын путартсайт.

Вэнлтийлты тэхи кэща не Татьяна Карминская щиты яснайт олдитсэлэ:

— Тэмхатл иса мүвбийн вэлты мир хэт шураскем арсыр яснайтн путартлайт. Щи эвэлт хэлум шурас мир тэм ванайн рэт яснайт хулт вэвшайтэ вэртлайт. Рэт ясан, путэр лылань ки — арсыр миртэл елды вэлты питлайт. Югра мүвн вэлты ханты па вухаль мирнай яснайт, культура вэртмүн Югорской университетийн вэнлтийлты питлайв. Щит паты тэм

ванайн мүн увас мирт институт пүншсүв. Тэтаа вэнлтийлты айлат ёх шуши мир яснайт вэнлтийлты вэртлайт. Щи тумпийн мүн хущева па хон пелак яснайт, щитфинской, венгерской па чешской ширин путартты вэнлтийлты, тэм ванайн испанской ясан вэнлтийлты питсүв.

Елды округев губернатор дэнкэр хэя Г. Бухтина нэтты хуягтэн, «Югра лылнуултаты» кэща ики Александр Новьюхов па Людмила Алферова мира ям яснайт лупсайдэн:

— Россия хуваттыйн аар ол мэр Улас мүв, Сибирь па Дальний Восток нэмпи оса тэхи рэпитлайт. Шивнэльян мултасарсыр мирантуунман вэлдэлт. Мүн ванкүтлы вэйтантыйлэв, күтэвн путартлайв, сырсыр давэрт суртарт па нүша вэрт түнматлайв. Нэмэслэв, хути мэтуулдайц вер — арсыр миртэл рэт яснайт ан вэвшайтэ. Ясан ширин хайнхехэ хурасл олданын па муйсэр вэрлүвела ям па өмэш уша вэрты рахд. Щит мирт,



хуйтат рэт ясан тайлайт, государственной ширин яма нэтты мосл, дэлн елды вэлупсы хуват лыв рэт яснайдал аттэсайт. Щит паты увас мирияснайтэлдэл ат вэлдэлт.

Ханты мир поэтесса ими, Россия мүв культура заслуженной рэпатнек, вэлупсы хуват рэт яснайт сэмэнцаа тайтты вэн пелка ювум хайнхехэ Мария Волдина ёктайчум хайнхехутайта хайншум стихотворенияйдал лүнчтэс, амаматшет моньшуптэс па ханты мир арат арийс. Лүв юпелн вухаль мир поэтесса ими Светлана Диисламова рэт ясанайн путрат па стихотворенийт лүнчтэс.

Елды «Ханты ясан» па

«Луима сэрипос» ух редактор Раиса Решетникова мүн газетайцэлдүв оданын айкел тэс. Мойн хуягтата лүв лупас, хути газетайт тумпийн мүн грант вух унтасн арсыр киникайт есэлдүв па няврэмиет күтн сырсыр касупсэл дэштэлдүв. Щит паты ванкүтлы увас пушхиет мүн редакциева хайншум путарлайл, моньшдэл китлайт.

Югорской университетийн нялмит курсан вэнлтийлты айлат ханты эви Лариса Миляхова хэт ясанай хайншум финно-угорской хурамац ар арийс. Лүв юпелн вухаль мир поэтесса ими Светлана Диисламова рэт ясанайн путрат па стихотворенийт лүнчтэс.

Мүвтөл рэт ясан емэнхатл Диана Герасимова па татаа вэнлтийлты шуши мир айлат ёх унтасн дэштэс. Щит шенк ям! Кашац хайнхехэя лүв рэт лэрдэл оданын вэты мосл. Ширин тэмхатл мэт вудан вер — щит айлат ёх дыши нумсайт ёрэна па такайцаа вэрты, дэлн елды дывийс вэрт, моньшайт, арат па иса йис вэлупсы давадлан па шавиман ат тайсайт.

Ирина
САМСОНОВА



Мир эвэлт ёктуум пурмасат вантсув

«Торум Мая» музейн «От экспедиции к экспозиции» нэмшилтүүпсүү пүншсы. Наталья Величко па Наталья Краснопеева хэнты түвүү пурмасат альсайсан. Мосл ястайы, щи утат хайлт ётты пелак па увас хантэт эвэлт ёктыйт.

Тэм ванлтупсы пүншман культура верэгтэтий департамент хушаа рэпилтий нэе Елена Сухорукова лупас:

— Тэмхайлт татаа пурмасат ёктыйт вэр па этнография пелдэ сямэн ёх ёктыйт. Ям, хуты государственной музеев рэпилтий иис, катра пурмасат ёктыман округев хуват яхьлэйт. Щи тынан пурмасат пелдэ вантман уша верты рагхл, муйсар тахет эвэлт щитайт тэсийт. Дайнхалум лупты, лэлн нын елды ишити ар щимаш пурмас ёктыйт, щитайт миом ёх пила хув мэр ияха, инумасн атрапитсайт! Мүнамтана щимаш ванлтупсэтаа юхьтты па шит вантны питлүү!

Тэм ванлтупсы тэты нэе Ирина Ксенофонтова лупас, Н. Величко хайлт ётты пелак хантэт эвэлт пурмасат тэс, Н. Краснопеева Сүмтэвшиш пүнчлн вэлтэй хантэт эвэлт антэ тэп пурмасат, щи тумпийн нартамлы щаврамтум ёх одёнэн ар хур, непек ёкты.

Елды пурмасат ёктуум ненцэна ясай мэсэй. Н. Величко путартас, юхи хашум 1990-мит одёнтн яхьтүү вер паты шимл вух вэс, тэп хуты веритсайт, щиты пурмасат ёктыман яхьсайт. Елды ястас:

— Щи пурайн мүн российской этнографической музей ёх пила рэпилтий. Мүн хущева Ирина Аль-

фредовна Карагетова юхтылдас, мин яха Юган юхан хонёнэн омэсты ханты кэртэта яхьсув. Дүв мэнем түнчирэн пурмасат ёктыйт па щитайт непека нух ханшты вэнлтас. Мүн Каюковат па Ярсомоват ёха мойна яхьсув, ёлтга 130 пурмас тэсүү па шенк ар хур версув. Мосл ястайы, Юган юхан хонёнэн вэлтэй хантэт хувин вўлды давдьтвя вэр ён тэлдэйт, лыв хущела тэп вўлды пурмасат хашсайт. Мэнема мэт мэстэл щитаа вэлтэй хантэт вўлды сух эвэлт ёнтуум күр лэмэтиху — щит лив яснайт ширин «сурман нир». Тунты эвэлт ёнтуум арсыр хинтэйт, ийнлэйт, юх дэрэйт эвэлт верум андт па па утат вэлдэйт. Щимаш и хушап Угут кэртэн ики эвэлт вохсум, лув щитаа арсыр «Буран» щүнкэйт тайс, щит паты шенк пития па катрая иис. Шенк эмаш ут — щит ай юх сохалн ханшлы, муйкем арат Пүли яххотайт вэсайт, щит ямсыева уша верты мосл, муй щитаа ханшман вэл. Шенк ар пурмас тэсүү, итэх пурайн имухты уша верты ён веритсув, муй щи утн верты мосл. Щит паты арсыр хурэн киникайт лүнчтасув, вантсув. Щимаш экспедицийн шенк ар айкелдэйт одёнэн уша версув. Щадта Когончинайт па Русскинайт кэртнана яхьсув.

Щи юпийн тэм музей научной рэпилтий Ирина Краснопеева ясай



Н. Величко

мэсэй, лув щиты лупас:

— Ма Ёмвош педучилищайн вэнлтыйдмэй пурайн рэт ханты мир культура одёнэн уша верты питсум. Щиты мүнчэв ханты яснай па Увасмирлитературая вэнлтаты нэе Евдокия Андреевна Нёмысова вэнлтас. Мүн лүнчтасув, муй ширин па мирят учёныйт мүн ханты миров одёнэн ханшасайт. В. Штейници ханшум ханты моньштэй лүнчтасум имухты ай пурасма кэрласум, ханты аңкаңкем щи моньштэй моньшас. 2006-мит одн музей рэпилтий юхтамсийн ма ханты рэтэйт одёнэн уша верты питсум, одёнмит Тюмень воша ФЗБ хуша айкелдэйт ёктыман яхьсум. Щадта Сүмтэвшиш район юхнайт, пусдэйт па па тахет нэмэйт одёнэн уша версум па ханшум. Вантэ, итэх нэмэйт ханты рэтэйт эвэлт ийлдэйт, щит паты мэнема ханты рэтэйт одёнэн уша верты эмаш вэс. 1920-1930-мит одёнтн колхозайт, совхозайт верты пурайн итэх Ас хонёнэн омсум кэртэйт лэп тэхэрсийт, айдтыева ханты культурын вэвштэй питсэв. Мэнема мэт эмаш вэна пелка ювум хантэт пила рэпилтий. Лыв сырьи ямсыева иньшаслайт, муйсар кэрт эвэлт, муйсар ханты рэт эвэлт вэлдан, щи юпийн велши айкелдэйт тэлдэйт. Интэм итэх хантэт катра пурмасал мүнчэвэ мэтын ён дайнхалдэйт, щит паты хурят верлүүв.



Ирина Краснопеева

Людмила ЛОНГОРТОВА

«Най Аңки» пүншсы

Ай көр тылаш оләңмит хәтәлән Ёмвоши «Югра-Классик» хоты «Най Аңки» нәмуп кинайт ванлтаты хәр пүншсы. Сыры иты щи хота ләңтү елпийн актёрәт па режиссёрәт вүртү даңкупн пунум ёш хүват шәшсәт.

Тәм пүш щит Леонид Павлючик, Эммануил Виторган, Станислав Говорухин, Алена Хмельницкая, Любовь Толкалина, Елена Яковleva, Ренат Давлетьяров, Максим Дунаевский, Борис Хлебников па па ёх вәсәт. Па хон пеләк эвәлт Жоэль Шопрон (Франция), Акасиу Ди Алмейда (Португалия), Дженинифер Лим (Сингапур-Великобритания), На Женьхуа (Китай) щата шивалассүв. Әхәт щи хот дыпийн каш хәра юхтум мира Александар Абдулов шәңтәт кев хурас па Сергей Соловьев ләштүтум хурән ванлтупсы ванлтасы.

Кинайт ванлтаты хәр Сергей Соловьев па окру-

гев кәща нә Наталья Комарова пүншсаң. Щи хә лупәс: «Ма хүй путәртты ѹн питлум, тәп пәмашипа мүңева нәттү хуятта луплум. Вән пәмашипа Мария Зверевая, Андрей Плахова па тәм мүвн вәлтү мира. 60 од юхды мүв илпи таштәт кәншти мир тыв юхтасыт на ветъян ол мәр тата питы вуй па газ ходумтәт. Щи мир унтас интум мүң хурамаң «Югра-Классик» хоты яха әктәшсүв. А. Абдулов кевәң хурас интум иши мүв вуй вүтү тәхет рүвнөрсүв. Пәмашипа щит пәтү. Щадта айкеләкәттү мира пәмашипа луплум. Вантә, тата «вушлум» мүй «вүртү» пресса ўнтәм,



нын яма па сәмәнә «Най Аңки» оләңән айкеләт хәншәттү. Щи юпийн С. Соловьев якты-ариты хәра ВГИК хот кәща Владимир Малышев вохсәлдә па лүвела «Самоцветная горка» нәмуп тынән пурмас мойдас. Щихә юхды лупәс: «1919-мит одн Москвайн мәт оләң хот пүншсы, хута хәннәхәйт луңдлуптәт ванлтаты па кинайт верты вәнлтаты питсүйт. Па хон пеләкн щимәш тәхеттәп 1930-мит оләтн пүншсүйт. Тәм пүш мүң хотэв 95 ода йил. Мәнәмәслүм, тәм мойлупсы щи емәңхәттәл пәтү ВГИК хуши рәпитетти мира па вәнлтыйлты айлат ёха мәсүс».

Щадта С. Соловьев па Н. Комарова хлопушка нәмуп щүңка ияха катләсман кинофестиваль пүншсаң. Наталья Владимировна мәйцира лупәс: «Мүң, югорчанәт, сәм хәр эвәлт нынана луплув – ар ёрн вәрум вәрдан түңшириән ат тывләт. Идатнүхаль поэт Андрей Тарханов Ингмар Бергман оләңән хәннәхәйттәс, лупас, кашаң хуят лүв сәттээдә кәрәштәр тайл. Мәширәмн, кинайт ѫл хәннәхәттә иши щимәш репа нүх хәңхти нәттәт».

Мосл лупты, округев арсыр вошаты па арсыр хотатын 60-кәм

кина мира ванлтады. Па хон пеләк кинайт кәсүпсүйн нүх вантаты питләт мүвтәд жюри тәхия питум ёх, щит Андрей Смирнов, На Женьхуа, Файт Хелмер (Германия), Дженинифер Лим па Акасиу Ди Алмейда. Әхәтмәтәмаш щиттәвәрүм хуятт «Сорни вәнт», «Щел вух» па «Патарух вух» нәмуп мойлупсәтн катлуптәлүйт. Россияйн вәрум ям кинайт пәтү «Цветы таёжной надежды» нәмуп сорни, щөлвүх па патарух вух мойлупсәт Любовь Толкалина, Алена Хмельницкая, Борис Хлебников, Егор Кончаловский па Владимир Котт мойләләт. Кинайт яма юнтум ёх Александр Абдулов нәмуп мойлупсы ёша паваттәт, мәтәм опратор Павел Лебешев нәмуп тынән пурмасын мәлдә. «Газпром-нефть» «За сохранение традиций» нәмуп мойлупсы кинайт вәртү ёхамойдәл.

Тәм пүш «Най Аңки» «Человек и нефть» немн альшасы, щит пәтү питы вуй ходумтты вәр одәнән кинайт иши ванлтадыйт. Каш хәр питты елпийн мүв вуй вүтү ёх дыв одңелн телепонята ай кинайт вәртү партсүйт. Кинайт ванлтаты хәр тәхәртү хәтәлән тәса түвүм уттәт пәтү дыв иши мойлупсүйн мәлдайт.

Реональда ОЛЬЗИНА



Емäң кев эвälт түт вўщитсы

Тэндуп тылаш 28-митн Ёмвош ёрашты ёх аллеяйн Югра мув шуши мирят ширин вүт кэртән ханты хэ Андрей Хоров кэт кев пульченан ияха нерман па сенкман паралимпийской түт вўщитас. Лув яснäл ширин, хантэт па вухалят щит паты кев емäна тайлät, хуты щит эвälт түт вўщитты рахд.

Түт пила хэхалтыелтийн «Центр адаптивного спорта» тэхи кэща Эдуард Исаков ям яснäл лупас: «Паралимпийской касупсы – щит мэшэн ёх касупсы, лэлн лыв иши күтсөлн касты ат веритсäт».

Хэхалты верн чемпионка эви Алина Марковская лупас: «Мадаңчалум, лэлн тэм емäң түт манема па ин Сочи воши Паралимпийской касупсыйн касты ёха уй ат тэс!» па щи юпийн лув факел пила хэхалдмäс.

А.Филипенконемпитетдлкасупсэти лэшттэхы хэрн вэн анэн округ гу-

бернатор палегкой атлетика хуват лэшттэхы хэ Валерий Прохоров түт вўщитсанэн. Наталья Комарова лупас: «Мүн аматтлюман тэм емäң түт Сочи воша Паралимпийской касупсыя мэлдүв. Мүн нэмэслүв, ёрашты ёх апряна касты юпийн ар сорни мевэлд пос ёша паватдат. ёрашты ёх, нынана яма касты! Елды 2015-мит одн Ёмвошн Сурдолимпиада касупсы питл».

Мосл лупты, Югра мув эвälт Сочи воша следж-хоккейн няд юнты хуят манл, щит Константин Шихов, Василий Варлаков, Нико-



лай Терентьев па Владимир Литвиненко.

Людмила СПИРЯКОВА

Когалым воши увас мир пата емäңхätл вэс

Тэндуп тылаш Когалым воши увас мир пата «По ягельным тропам потомков» нэмпи экологической ариты-якты вер манас. Ши емäңхätлэн Сэрханл район вошат па кэртät эвälт ханты ширин ариты па якты тাখет ёх вэсät.

Когалым вош эвälт «Унт могт» тэхи ёх юхтылсät, кэща ненца щата Лилия Ермакова-Немолча вэл. Русскинская кэрт эвälт «Вэнт н» тэхи

хуятт, кэщане-Зоя Николенко. Пащи тумпи лув саттэла ханты арат ариты па якты якты ханнехуятт рэт мувел олэнэн лыв ардал па яклал

ванлтас. Кашан семья лув саттэла тэм хэтла лэштэлдэс.

Когалым воша арсыр мувэлт эвälт вэлтэх юхтум ханнехуятт тэм емäңхätлэн шуши мир олэнэн мет яма уша верты щир тайсат. Мойн хуятт ешалт ханты имет ётсат па арсыр еплэн лётутт лёты вохсыйт. щата вўлы, пойтэк нюхи, юхан хул, сыр-сыр воношумутт лёты рахас.

Ай няврэмэтиши ён юремэсийт, музея дунты тэхийн пүпү пухие ешалт ётсат па лыв пидэла юнтац.

Тэмийн хэн шуши мир яснэн шимл хуят путартайл, иис вэрэйт, арат, якты, моньшт юремэлдыйт, тэмаж вэйтэнтупсэти шенк мослэт. Дэлн мүн увас мувев культура вэрэйт елды ат вэсат па няврэмэтиши олэнэн уша ат паватсат. Дэлн мүн рэт мувев, вэнтэт, юханят шавиман па давалтман ат тайсийт, дэваса ал шакалсийт. Дэлн щит елды вэлтэх ханнехуятта иши хурасан хайты. Ши олэнэн ин нэмэстэй мосл. Тэм емäңхätл ООО «ЛУКОЙЛ – Западная Сибирь» верты нётс.

«Музейно-выставочный центр» тэхи ёх ханшум ширин Ханты яснäца тулмаштас Надежда ВАХ



**Ханты ясанг
(Хантыйское слово)**
№5 (3401), 7.03.2014

Соучредители
Дума, Правительство
Ханты-Мансийского
автономного округа – Югры

Издатель
Департамент общественных
связей Ханты-Мансийского
автономного округа – Югры

Редакция

Главный редактор –
Решетникова Р.Г.
Телефон (3467)33-36-82

Заместитель главного
редактора – **Вах Н.И.**
Телефон (3467)33-24-02

Ответственный секретарь –
Новьюхова Н.В.
Телефон (3467)33-24-02

Адрес редакции и издателя:

628011, г.Ханты-Мансийск,
ул.Комсомольская, 31
тел./факс (3467)33-17-52
E-mail: luima@ugra.com.ru
Газета размещена на сайте
www.khanty-yasang.ru

Отпечатано:

ОАО «Издательский дом
«Новости Югры» г. Ханты-
Мансийск, ул. Мира, 46.

Подписано в печать:

по графику 5.03.2014 г.
в 16.00.; фактически
5.03.2014 г. в 16.00.
Индексы 04393, 54393
Тираж 2210 экз. Заказ 1383.
Цена свободная

Газета зарегистрирована
Управлением Федеральной
службы по надзору в сфере
связи, информационных

технологий и массовых
коммуникаций по
Тюменской области,
ХМАО-Югре и ЯНАО.
Свидетельство о
регистрации ПИ №ТУ 72-
00796 от 23 января 2013г.

Мнение авторов
публикаций не
обязательно отражает
точку зрения
редакции.